

իւր հաւանութեամբ ի միասին արծակեցան եւ գնացին: 5 Չայր մեծ իշխան մարդպետութեանն, եւ զԲագարատ մեծ իշխանն ասպարապետութեանն, եւ զԴանիել մեծ իշխանն Ծովաց, եւ զՄեհանդակ Ռըշտունի, եւ զԱնդովկ իշխանն Սիւնեաց, եւ զԱրշալիր իշխանն Շիրակայ եւ Արշարունեաց, եւ զՆոյն իշխանն միւսոյ Ծովաց, եւ զՊարգեւ իշխանն տանն Ամատունեաց. զնոսա զամենեսին կազմեցին եւ արծակեցին բազում ընծայիւք եւ մեծամեծ պատարագաւք եւ հաւատարիմ հրովարտակաւք առ կաթողիկոսաց կաթողիկոսն Եւսեբիոս յերկիրն Գամրաց, եւ ի մայր քաղաքացն¹ Նոցա ի Կեսարիա, զի ձեռնադրեսցեն անդ զսուրբն Ներսէս ի կաթողիկոսութիւն Յայոց մեծաց:

6 Եւ եկին ածին Նոքա ցնծութեամբ ուրախութեամբ, եւ տեսին անդ զկաթողիկոսն կաթողիկոսացն զսուրբն զմեծանունն զերանելին զհոյակապն զսքանչելին Եւսեբիոս: 7 Եւ տային զհրովարտակն արքային Արշակայ Նմա, եւ ունէին առաջի Նորա զպատարագս բերեալս: 8 Եւ Նորա սիրով ընկալեալ զնոսա եւ բազում մեծարանաւք, եւ ըստ կանոնաց արինակի ժողովք առ ինքն մեծ եպիսկոպոսապետն Եւսեբիոս զբազմութիւն եպիսկոպոսացն սրբոցն ըստ առաքելական արինացն, զի ձեռնադրեսցեն զսուրբն Ներսէս լինել եպիսկոպոսապետ Յայոց մեծաց: 9 Եւ եղեն մեծ սքանչելիք. զի մինչ դեռ այն ինչ մտեալ էին յեկեղեցին, էջ աղանի սպիտակ ի վերայ սեղանոյն յանդիման քահանայութեանն եւ յանդիման ամենայն ժողովողեանն: 10 Եւ իբրեւ եմուտ Եւսեբիոս արքեպիսկոպոսապետն եւ երիցունքն ընդ Նմա, եւ երիցապետ մի սուրբ՝ որում անուն Բարսիղիոս կոչէր, թռեաւ աղանին ի սեղանոյն եւ հանգեաւ ի վերայ Նորա, եւ յամեաց բազում ժամս: 11 Իսկ իբրեւ եհաս ժամ յորժամ կամեցան զՆերսէս ձեռնադրել, վերացաւ աղանին ի սրբոյն Բարսեղէ, եւ Նստաւ ի վերայ զլիտն Ներսէսի:

12 Իբրեւ այս սքանչելիք եւ Նշանք յԱստուծոյ լինէին ի վերայ առնս այսորիկ, կային առ հասարակ² ամենայն ժողովորդն զամացեալք եւ մեծ արքեպիսկոպոսն Եւսեբի: 13 Առ հասարակ աղաղակէին ի վերայ Նորա, թէ Յաճոյ եղեր դու Աստուծոյ, եւ հոգի Աստուծոյ հանգեաւ ի վերայ քո. զի նմանութիւն եղեւ ամենասուրբ Յոգոյն, որ ի վերայ Տեառնն երեւեցաւ: 14 Ապա ձեռնադրեցին զնա, եւ հանին Նստուցին յաթոռ եպիսկոպոսութեանն, եւ պատուէին զնա. եւ բազումք ասէին Նմա Էնկոմիա. (որ ասի՝ թէ Յոգի Սուրբ հանկեաւ ի սա)³: 15 Բայց Նա եւս քան զեւս զանձն իւր անարժան համարէր իրացն եղելոց: 16 Եւ մեծասքանչելաշուք յուղարկեցին զնա. Նոյնպէս եւ զմեծամեծ Նախարարն սատրապսն Յայոց:

1 *Յամենայն օրինակս*՝ ի մայրաքաղաքացն

2 *Օրինակ մի*՝ հասարակ

3 *Երաք ի փակագծի*